



Nuuk ulloq 16.08.16

Inatsisaartut suleriaasianni § 37 naapertorlugu Naalakkersuisunut imaattumik apeqquaqarpunga.

Apeqqutit:

1. **Umiatsiaaqqat piniarnermi aalisarnermilu akuerisaasut pitsaasut ima amerliartortigaat, allaat angissutsimikkut pujortuleeranguit 21 fod-imik angissusillit anguneqarsimalerlutik. Taanna aalisakkanik pisassiisarnermi kinguneqartarpoq, Naalakkersuisuniit allannguiffigineqarnissaa pilersaarutigineqarnerluni?**
2. **Pujortuleeqqat 21 fod-imik angissusillit soorlu qaleralinniarnermi pisassinneqartarnerat ass. 26 fod-imut qaffanneqarnissaa allanngortinneqarsinnaanera Naalakkersuisuni takorloorneqarsinnaanerluni?**
3. **Apeqqummi 1 aamma 2-imi allannguisinnaaneq naleqqussarnertut pitsaasutut Naalakkersuisuni isigineqarnerluni? Aalisakkanut killilersugaanngitsunut atussallugu naleqquttutut Naalakkersuisunit isigineqarnerluni aamma qaleralinniarnermi naleqqussarfigissallugu piffissanngunnginnerluni?**
4. **Umiatsiaaqqat 21 fod angullugit sinnilaarlugilluunniit angissusillit, takornariaqarneq siuarsarusuqalugulu, sooq aalisariutitaarniarneq assigalugu ESU aqquqtagalugu aningaasalersuisinnaaneq atorumaneqartillugu, Naalakkersuisuni ammaffigineqanngila?**

(Inatsisartunut ilaasortaq Siverth K. Heilmann Atassut)

Tunngavilersuut:

Umiatsiaaqqat aquuterallit 19 fods angullugu angissusillit akuerisaasullu piniarnermut



ATASSUT INATSIARTUNI

aalisarnermullu atorneqarnissaat aningaasaliiffigisarparput. Pissutsit allanngoriartorput umiatsiaaqqanik taasakkagut akuerisaasullu alliartuinnarput allaallu pujortuleerannuit 21 fod-imik angissusillit anguneqartalerlutik. Taamaattumik isumaqarluinnarpunga, angallatigineqartut aalisariutigineqartullu angissusilerneqartarnerat naleqqussarneqartariaqalersoq.

Oqartoqassappat aalisakkanut killilersugaanngitsunut qulaani pineqartunut atussallugit naleqquttuusut isumaqataalluinnarpunga. Qaleralinniarnarli killilersuineq pisassiisarnerlu pineqartillugit, umiatsiaaqqat aquuterallit 21 fod angullugit pujortuleeqqatulli pisassinneqartariaqassapput. Isumaqarpunga pujortuleeqqat 21 fod-imik angissusillit umiatsiaaqqatuulli killeqanngitsumik aalisarsinnaatinneqartariaqartut, taamaattumik angallatit angissusaata nutaamik nalilersorneqarnissaa aalisarnermi inatsisip nutarsarneqannginnerani, Naalakkersuisut qanoq eqqarsaateqarnersut assut paaserusunnarpoq.

Neriullunga apeqqutikka ullut qulit suliffiusut iluanni akineqarumaartut.